

可

園

詩

存

可園詩存卷二十一

江甯陳作霖伯雨

曠觀草上

起戊戌正月迄庚子十二月

登北極閣曠觀亭感賦

北極聳岩嶷迥出青天外乘興試一登腰腳頗輕快盤石疊
層坡路曲遂無隘入門繞殿行亭高逾數倍梯轉螺盤旋樓
重鼉負戴天風颯然來窗櫺納虛籟雉堞數參差俯視麗譙
背馬路塵忽生夷女馳車蓋遠望輪舶烟長江曲如帶如此
好形勝竟混華戎界遙想

純廟時

南巡盛朝會

奎翰兩字題山川增藻繪俯仰祇百年乾坤乃破壞吾欲訴

蒼冥上有浮雲礙天近問不應徒發幸有慨

戊戌夏日感述四首

中國與外洋同此一地球海水隔閡之異類希來遊一自互
市開鯨鯢狎中流借端以起釁背約而尋仇屬藩吞蝕盡勢
遂及神州今年據一島明年割一洲糠空因舐米氣閉幾塞
喉公卿皆束手莫雪朝廷羞自強豈無策積習仍悔偷死病
無良醫哀哉將誰尤

日日談商務云奪外洋利金銀煤鐵礦布帛絲繭製懋遷通
有無關市廛課稅豈知工作時不能自爲計千金聘夷師萬
金購機器斂財輸外洋不啻荏與倍及至費用絀往往半塗
廢欲富乃愈貧欲省乃愈費何弗專務農淫巧皆捐棄重本
而抑末仍師聖人意

建業古大都襟帶江與淮大府好施濟粥廠每歲開遂令徐
鳳人就食紛然來今年撤廠後雨雪連陰糴流民多餓死大
道橫尸骸黠者恃強力掠米復斂柴甚或爲盜賊黑夜劫人
財暴橫固可惡飢寒亦堪哀我欲告大府先冬爲安排州縣
就地振戶口毋稍遺倘有合室出卽罪其有司並於關津口
禁渡爲查稽旣免流離苦亦無凍餒災大惠毋過此焉用粥
廠爲

荒年米價貴貴在田無收熟年米價貴貴在市無售鄉愚乏
遠識欲爲居奇謀出海信謠傳閉糴禁行舟長官知其然購
運自上游萬艘連檣下騰踊亦何憂惟是春夏交陰冷如深
秋麥豆方將實萎黃病難瘳熟年變爲荒致亂乃有由願天
速開霽日煖風亦柔芄芃禾苗茂一綠盈西疇民生雖日盛

既飽無多求眼前得苟安遠慮且暫休

恭讀乾隆甲戌

御製廣甯道中詩感賦

關東自昔騰形勢遼瀋巖巖作藩衛有明棄置國遂亡遺民過者皆流涕

聖代龍興於此英雄師分列入方旗猶留舊跡存殷鑒廢堡荒營悵望時

高宗皇帝神武質宵旰勤勞戒無逸謁

陵秋獮有常期頌獻來雍歌吉日

厚澤深仁十九年

翠華東幸

詔育宣袍笏趨蹌初賜宴戈矛簇擁更臨邊是時準夷方內

亂種人部落皆離散萬里爭歸

天可汗制勝由來在

廟算從茲西域闢新疆康居鄯善羣來王天山南北銷兵氣
一統規模邁漢唐廣甯舊是發祥地岐鎬沛豐同一致

仁人無敵自古聞浪說前朝防守事山川紆鬱軫

皇情弔古長編立馬成門戶封疆傷水火慷慨高吟變徵聲
俯仰俄經百餘載海氣溟濛天地晦丁零強橫大秦驕歎息
萬方皆一概朔風捲沙沙亂飛同仇誰復賦無衣可堪松杏
無亭障不獨熊王有是非紛紛變法求強富電綫火車相雜
綵親見

先皇蹕路塵道旁祇有隻雙墩

奎藻昭然法戒垂不是卷阿泮渙詩待說守時計已晚

錄御製

本詩
結句
大哉

王言深可思

自取

庭院雨初歇生衣竟體涼雲行星隱見風急樹低昂閱世憂
方大談天老更狂萬端皆自取吾道悟滄浪

題畫芙蓉

豔色不逢春靜待秋風發美人咸衰遲寒芳在木末

送顧石公赴荆溪學博任

一帆秋水漲通津行矣儒冠豈誤身不向江東問米價
事行將口下應蒲輪薦經濟特科廣文小作迴翔地陽羨原多寄

寓人只是故山猿鶴怨綠陰深負柳堂春

君所居榜曰深柳讀書堂

悲歌

七月作

誰謂天不變蔽日來浮雲誰謂地不變隨風卷沙塵古今時
勢有如此聖人損益勞心神君不見夏時殷輅與周冕開國
氣象爲一新奈何騎射改主父阡陌開商君強拂人之性旣
遂及其身宋家勑相誤用福建子乃謂祖宗之法不足遵欲
以富強挽末運弱者愈弱貧愈貧痿痺之證并未起加以狂
病肆吟呻庸醫妄謂藥有效和緩束手軒岐瞋仰天一悲歌
歌罷意重陳莠言亂政有必戮鴟梟毋溷鸞鳳羣君不見太
公誅華士孔子誅聞人

楊雪門提督以六十白壽詩寄示卻贈二首

淮山自古鍾靈秀磊落書生亦請纓坐嘯城樓劉越石屯田
邊徼趙營平親傳黃石三篇略曾領蒼頭特起兵今日勾陳
增氣色壽星偏傍將星明

北門鎖鑰遙相寄伏莽休虞勢甚危榆塞秋聲催畫角蘆臺
海色上牙旗陣圖變幻晨宣令幕府清嚴夜賦詩競病韻分
難強和聊從祝嘏續新詞

十一月望夕醉後與顧五

雲

程大

先甲

傳六

春官

步月至史

橋

被酒不知冷出門宵已中天街踏明月清興四人同我輩宜

行樂蕭牆奈伏戎

時法兵輪泊下關

生逢帝京盛吾羨史癡翁

詠古九首和顧石公

漢家宮闕鬱岩堯日月雙懸麗紫霄抱疾光宗猶主祀微簾
褚后再臨朝若非鸚鵡傳言巧難免鴟鴞毀室翹九廟神靈
深眷佑萬年根本不輕搖

本來大道易榛蕪孔墨於今併一途瀛海九州儒逞辯春秋

特筆聖遭誣盡除古法秦丞相妄擬元經莽大夫保國誰知
難自保安排萬里走東胡

僉王從古善資緣趨勢居然螳附羶通賄自能尋捷徑進身
不惜借中涓同心結就甘陵黨票旨參將內閣權春夢一場
俄已醒功名槐國亦徒然

黨人舉事太怱怱肘腋相連竟伏戎變服議方倡主父圍宮
甲待起潘崇南衙御仗麻宣白西市朝衣血浴紅唐史試繙
徐駱傳千秋功罪豈能同

詭遇居然獲賞音倉皇幾率外兵臨開邊曾種王恢禍告變
須原伍被心簇簇戈矛停檄召重重城府蓄機深吾曹富貴
依然在臥聽連營鼓角沈

輔佐三朝頗著勞況兼師傅位彌高似聞進講懷鳳實從此

隨人類枯槁掌賦未能蠲急調興師強爲咏同袍何期編管
行巖譴雨露雷霆次第遭

平地無端忽起波主持國計戒偏頗閒平輔政宗枝茂豐沛
求才舊族多公府丹毫晨畫諾華堂紅燭夜徵歌大權獨攬
談何易望治臣民首履俄

無窮造物任雕剗製作休矜矢與函環海五洲通鐵軌長江
千里集輪帆封樁庫竭猶輸幣保塞夷來自解嚴聞道弭兵
今有會時無向戍命誰銜

老臣四次鎮江淮拜疏從容欲乞骸縮印前年馳朔漠焚香
終日閉衙齋臥治汲黯思歸節僞遁樂枝記曳柴勲舊可堪
凋謝盡中興一頌尙摩厓

己亥上巳禊飲治山學舍感賦次繆筱珊學士

奎孫韻

風過頻揚滄海塵何堪黨亦號維新欲尋桃洞從秦隱且禩
蘭亭仿晉人山近溟濛含雨意酒酣爛漫見天真中興人物
曾親覩我亦清時一幸民

春日出朝陽門登鍾山憩三茅宮下尋紫霞洞飯上清道院
過明孝陵歸道訪半山寺陟謝公墩得四首

凌晨出東郭遙山凝曙烟策蹇循修途草溼露涓涓半里至
山麓舍騎步亦便磴道行漸高如螺盤復旋中途足力乏蹢
躄不能前仰望茅君居孤高聳半天紅牆古招提鐘聲若相
延猛生精進心乃到東峯巔大江出樹杪晴日晶逾鮮長松
作濤響風過泠泠然視聽爲一爽若謝塵世緣險盡始得樂
於茲悟禪詮

上山身入雲下山足踐士林深不見人日色已亭午山腰露

樓閣借問誰構宇踰澗登峻坡開山謁初祖道士迎門揖仙
袂風爲舉導觀紫霞洞曲曲穿房戶峭壁天削成中空覆巨
釜懸崖挂水簾晴天飛狂雨噴薄眩耳目清冷沁肺腑願茲
岑寂境山意自太古春風點綴之桃花增媚嫵落英隨水流
潺湲歸何所莫引俗人來胡麻飯剛煮

飽食神復王沿山恣幽尋孝陵近在咫尺繞溝行轉深下馬牌
尙在石柱苔亂侵山錫神烈號誰爲書碑陰我

朝德澤厚呵護垂

綸音謂治隆唐宋

翠華亦親臨巍峩寢殿基松柏曾森森自經兵火燒寥落遂
至今我來探隧道彌深弔古心聞說懿文耐孤魂久銷沈時
逢采藥人來創太子陵

夕日漸西駛游興猶未闌倚堞時荒墩沙石相爲攢一水繞
之流瀉玉聲潄潄危亭矗其上碑記知新刊不識幼度宅俗
說沿謝安荆公誤考古亦復爭無端逞其執拗性豈獨解周
官康樂坊已圯春草空迷漫差幸半山園遺址不曾殘化爲
梵王寺香火燒旃檀晚唄催人歸出門各踞鞍回頭顧蔣阜
終古長龍蟠

春暮遊牛首瞻磚浮圖憩普覺禪林下尋祖堂山入幽棲寺
探六祖洞觀虎跑泉得詩二首

今年勝緣結山水遊興勃發不可止才自鍾陵策蹇歸又出
南郊四十里雙峯雲外聳牛頭漸近看時渾弗似行入山中
不見山夾道松聲蕩人耳陡立雲梯百丈高山門豁露石齒
齒巍峩寶殿當空壓一燈長明悟佛旨危塔曾經劫火燒磚

甃堅牢未盡煨旁通曲徑轉愈幽冷翠沾衣溼浸履辟支古
洞兜率崖足力乏時徒仰視且尋精舍暫息疲蘭蕙蠶盆供
滿几老僧飲以天闕茶流碧名泉甘且美憑欄雲氣滃然生
知是祖堂近在咫尺山靈似欲招我遊飯罷欣然扶杖起

下山身墮萬山中對面祖堂藏無蹤修蛇蜿蜒磨螳轉一起
一伏行難窮荆籬塞路舉袂過忽聞鈴鐸聲搖風無量一殿
新構架丹堊粗完塗飾功禪房深處有花木牡丹猶自留殘
紅綠坡下視洞深黑清奇骨相孳嬖融猿鳥獻花參法座至
今競說牛頭宗泉水一泓極清冽虎爪跑出流淙淙經幢臥
地不辨字定有唐宋鈎畫工豈若佛書影入石附會六祖欺
愚蒙

洞有佛字影陷石
中云係融師指書

四圍周覽日漸暮闕黎留客偏足恭

不敢貪戀桑下宿我與彌勒將毋同歸路匆匆誰解送一杵

透出黃昏鐘

小園

小園過雨暑全消綠樹陰中靜結寮穿石筍羸成瘦竹插枝
菊活長新苗地分內外籬爲界水積東西路當橋蟲自蟄冬
儂蟄夏閉門隔斷市塵囂

竹醉日雨集屈子祠水榭

消夏從何處湖亭敞綺筵風聲萬竿竹雨氣一溪烟戢盃占
今日糧荒話去年去年今日飢民掠米旋開平糶局於祠中新秧欣插遍歸路繞

平田

途經乾河沿所見

己亥夏日卽事三首

新法俄云罷其如泄沓何蕭曹微卻露遼夏責言多國勢傷
貧弱夷情測戰和南邦財賦地握節重臣過

剛欽使來南

可園詩存

卷二十一

八

使星移次舍宦海起波濤鷺鳥摩空下魴魚失水勞引羊烹
乃雨范叔贈無袍中飽雖官蝨何堪利析毫

豈是傳烽警中途羽檄飛齊鄉聯軌卒秦戍揭竿旗兵食滋
煩擾官紳有是非江東民氣弱誰解賦無衣

秋日偶咏

今年夏多雨幸未困暑蒸入秋氣更涼單衣已不勝涼宵怯
露坐稍近書窗燈其奈飛蟲鳴擾擾真堪憎平生不趨炎空
齋冷如冰欲求耳根清自笑尙未能

小園無半畝插棘以爲藩薜蘿緣其上小朵花最繁未免依
附迹迎陽媚朝暄秋風一以厲零落無復存不如叢生菊雨
露滋其根雖亦寄籬下傲霜品自尊

偕濮青叟

文選

梅景韓

秦

秦伯虞

際唐

湯沐之

榮

袁竹菴

國

興
甘伯音鐘遊張氏韜樓晚飲青叟宅

無意作茲遊地高先得秋遠山爭入戶叢樹不遮樓樂與羣
賢共閒因半日偷晚開軟腳局太守更風流

飛霞閣暴雨追感舊遊

傑閣憑欄倦眼開挂龍影裏響輕雷山光次第穿雲出風勢

敲斜捲雨來東冶漫尋王謝迹西園曾接應徐才

謂趙枚叟
戴子高唐

端甫劉恭甫諸君

天公似有催詩意且自濡毫賦入哀

九月既望丁秀甫明經

傳靖

邀集秦淮水榭爲雨所阻次日

始克踐約席散後同泛舟歸

昨宵秋雨聽淋浪難得今朝放霽光望後依然明月好興來
且入少年場捲簾山近何妨敞被酒風來不覺涼歸路休愁
足力乏秦淮一水送輕航

題畫四首為朱端甫慶章作

珍禽與異卉相將競文采洛陽三月時只覺春如海錦雞牡丹

義府機已深蒙莊夢未醒身處繁華場乘時當猛省鸚鵡長春

木是鳳鸞質人將野鳥看羽毛須自惜相與葆歲寒孔雀水仙

竹天

一架清陰滿離離實自垂飲啄本前定鼠竊亦何為松鼠葡萄

題濮青士太守見在龕詩集

少居瀨渚長峨岷燕豫驅馳仕路塵作汗漫游半天下合蘇

黃派一詩人因緣久向楞伽證情性無如骨月真筆瀋墨痕

都化盡東風到處萬花春

庚子土巳日顧石公招同繆筱丈荃孫俞恪士明震泛丹青

谿就訪蒨禮卿光典飲寥山堂即事分賦得山字

重三例修禊齋居況多閒顧侯招我遊泛舟青溪閒夾岸桃花林流水聲潺湲舉頭何所見青青蔣家山沿洄至竹橋地僻遠市闌叩門尋故人迎客馴吹獮襟帶纈未束禮數繁文剛杯盤留小飲酒味分華蠻雅談閒暴譴不變溫溫顏石公以酒失自借問玉堂仙福地探擲環繆俞刪皆太史時談殿旬藏書之富何如江南住鷺鷥偕往還曲水此卽是延年邈難攀

秦淮水榭聞歌二首

紅燭高烧綠酒傾春深猶覺峭寒生吳娘一曲歌方罷又聽蕭蕭暮雨聲時值夜雨

隱隱雲閒月一輪霓裳法曲竟翻新酒酣慣說開元事賸有

尊前鶴髮人

謂濮青叟

題龔艾堂

乃保

西江草并示銘三

肇新

客思如春草叢生不可芟高歌遣白日別淚點青衫庾嶺梅
花驛章江夜雪帆紀程詩細檢賴有阮家咸

感憤五首

六月

一變竟至此幽燕劫運新何期團白甲倏忽起黃巾羣盜名
尊漢中原怒擯秦亂民紛號召云有術通神

中朝分黨局臣子太孤恩北府虛傳檄西鄰交責言

帝閭守以虎君子化爲猿消息京華斷憑誰衛

至尊

宮庭皆震動烽火照甘泉輔魏留曹宇讐金用李全使查天
漢阻夷首藁街懸善後將何策諸君竟懵然

董龍豬狗耳搏噬怪剛蟲黝撫皆顛倒傳聞有異同訛言偏
日甚驛路幾時通疆帥方連疏危辭啟

聖聰

莽莽三句事茫茫百種憂白虹真犯日滄海亦橫流絲亂緒
難理醫庸藥誤投果然妖讖應今歲兩中秋

送楊毅亭

錦東

從軍入衛

吐蕃回紇莽縱橫況有平林新市兵垂老惡聞喧戰鼓乘時
端合請長纓安西記室延高適江夏狂生薦禰衡此去運籌
良不易調停和戰要持平

熱

人皆苦炎熱我獨思北方津沽扼海口兵艦來外洋礮火震
天鳴烟蔽日無光風起波濤涌百沸如煎湯臺高地忽裂藥
氣轟硝磺血肉糜成灰富者罔不傷豈獨介冑士蟻蝨生甲
裳此時避難民奔走尤蒼黃衣囊盡拋棄所裹惟餽糧渴極

無可飲牛渚亦瓊漿骨月傲焉失呼覓在道旁晝夜皆露處
無地能韜藏微軀所感受伏雨兼驕陽但求除一死遑恤羸
與疋迴憶卅年前斯境曾親嘗今幸坐虛室梧竹圍青蒼偶
念離亂情畿輔遙相望不待調冰水此心已清涼

秦淮讌集感賦

明震

劉聚卿

世珩

二觀察

七月

秦淮大舫高裁裁主人飲客金叵羅羅綺叢中獨未醉每聽
清歌喚奈何是時烽火連京邑江南咫尺愁波及桃源避地
無可尋杞國憂天究何益樂酒聊吟頰弁詩我與海鳥同忘

機

歷客有日本
井上君雅二

感時書事八首

八月

妖星光燄閃旄頭併入天狼犯帝輶韓侂胄甘爲首禍朱全
忠竟戮清流甲丁神術全無用庚癸行糧幸預籌西望白雲

王母降五臺蕭瑟太原秋

木蘭往事漫重論

返蹕俄經四十春西海鯨牙爭跋浪

東朝翟茀再蒙塵曾無留守宗忠簡不見勤王溫太真同治
老臣如碩果支持危局仗何人

欲將偉略濟時艱人力迴天指顧閒岐下聿來居乍定興元
罪己詔先頒去邪莫漫容狐鼠用閒須令鬪觸蠻已缺金甌
何以補籌邊上相鬚毛斑

滬濱街衢砥樣平吳淞戰艦莽縱橫天高漸減金銀氣夜靜
時驚草木兵護景教碑安異種修周官政禁宵行綢繆未雨
同爲計不倍當年海上盟

海天萬里斷鴻音北望京華寇已深鐘簴播遷驚轉眼桂苻

可園詩存

卷二十一

七

窺伺競生心若非疆帥諸邊計難免神州盡陸沈江漢安流
功不細朝宗差足表丹忱

鼠身異域久稽誅文網難寬此豎儒商鞅變秦留莠說張元
投夏亦窮途如何仍結鉤餘黨到處爭售割就繻勸解一歌
須聽取莫真認作辟兵符

康黨以富有票恩眾劉
峴帥作勸解歌正之

海濱鹽政重牢盆私市妖徒亦列屯大俠但能收郭解長江
自可靖孫恩高牙大纛排樓櫓帕首鞭刀拜戟門多少英豪
歸駕馭不須挾纊盡知恩

徐懷禮
就撫

秋風獵獵雨冥冥天醉於今尙未醒豈有官奔

行在所徒令人哭小朝廷燕巢幕上愁難穩鶴唳風中怕屢
聽閉戶著書聊自遣莫將野史比元亭

庚子中秋雜感

秋月排雲升海嶠清光略與往時同可憐大地多殘破猶有
山河影在中

今歲秋風太淒厲桂花狼藉委香塵蟾宮例織登科記不見
梯雲得意人

細試暫停

都督風流同庾亮油幢畫戟鎮名邦南樓坐嘯雍容甚多少
烟塵不入江

頌劉峴帥

閩中秋述懷

咸豐閏中秋我年方十五倖補弟子員壯志聞雞舞同治閏
中秋我年二十六從軍游京江草檄工且速匆匆六十四年
周靈臺今歲又添籌由少而壯壯而老此生三值閩中秋閩
中秋亦尋常事誰知流俗偏多忌無端滄海竟揚塵北望神
京時隕涕我尙憶咸豐紀元年鋤奸不落太阿權安得今朝

祛壅蔽氛霾掃盡見青天我又憶同治中興歲翦除羣盜無
遺類安得今番弧矢強旄頭斂彩天狼避瓊樓玉宇望依稀
西北高寒是也非耿耿此心終不改乘風萬里竟安歸

謝鄭叔龍驥惠菊

君種菊滿畦不獨自怡悅分惠及吾儕交情以淡結未親灌
溉勞坐享太忝竊從此挹清芬相期珍晚節

邵荻洲觀察

雲鶴

年七十六生于越十有七年爲之授室以

詩自慶依韻奉和四首

梅開官閣一枝春又見江南物候新臺省之間一品服慶光
以後五朝人嘒無丹藥身偏健藏有詩書室不貧玉樹芝蘭
欣繞鄰常將和樂養天真

自昔丈夫憐少子弄璋況值七旬餘旁枝糾結頻生蔗三樹

晶瑩竝號珠政界中閨資內助眼明細字授兒書一家梅鶴
清高甚漫羨西湖山影孤

季子崢嶸頭角成卜婚占得鳳鏘鳴琴洲淑女來南國玉雪
佳兒念北平廚下作羹初試手房中奏樂善言情遙知花下
頻扶杖來聽吟詩唱和聲

宦迹圖成手自攜江淮皆有去時思仰瞻魯殿初成賦欲繡
平原且買絲科叙輩行人竟少子隨孫後事真奇絲絲福德
誰能及泗水長流未有涯

薛烈婦詩二首

全椒彭明府倬之女
桑根師之孫婦也

婉孌名門女從容殉節時欲偕鴛共命甘飲鴆如飴夜月明
空榻淒風動總帷最堪腸斷處襁褓泣孤兒

予亦有佳婦從夫七日期

仲兒詒祿
婦席氏

忽聞同此慘頓觸往時

悲一瞑肯重視千秋具在斯

寵褒聊慰爾俎豆肅靈祠

可園詩存卷二十一

男詒紱孫祖同校字

可園詩存卷二十二

江甯陳作霖伯雨

曠觀草下

起辛丑正月訖
壬寅十二月

園居初夏

時事任紛紛端居不出戶雲輕蕩作煙霧重溼於雨抽竹筍
初生含苞藥將吐滿目生趣存藉以養靈府

苦雨感賦三首

暑月陰風號釀成連日雨聲喧雜殷雷氣溼蒸乾土橋路斷
難通井水平可取有屋亦戴盆無炊不懸釜淋浪勢未休期
已過四五時無女媧氏漏天誰爲補

今年麥豐收農家富餅麪及時秧盡插水田綠蔥蒨準擬大
有年秋成米價賤東南含哺民庶荷天之眷孰意降淫霖倏

忽局一變鴻範推五行曰狂遭此譴少年喜事徒異學幸毋炫

海氛雖暫靖草莽伏戎多胡乃雨無極平地成江河饑歲盜易熾奈此燎原何天心最仁愛陰陽無終頗火速驅龍歸莫再興風波杲杲日東出炙我高田禾

大風

三日狂風吼不休六月寒冷如深秋倒卷江濤入城市人棲樓角如纍囚上有烈日下有水暑溼氣併烝欲浮一風之威甚於雨偪入腠理凝不流水災後倘繼以疫幾與北路兵劫侔我怒呼風伯爾亦天之神何不吹海立如壁阻住三十六國之兵輪否則掃蕩海濱租界地金銀珠玉皆化爲煙塵胡獨欺我東南民毀其牆屋奪其饔飧上無以養祖父下無以

長子孫爾亦毋乃太不仁我語未畢風若悔大塊噫氣俄已
解急驅潮頭歸東海

登江甯府署後觀星臺有懷曾文正公

上相觀星臺尙在荒涼三十一春秋

同治辛未以前督轅寄治於此

官居傳

舍仍治郡熱客追涼且上樓天外雲屯山似墨雨中水浸屋
如舟於今元氣凋殘盡猶有遺民念故侯

秦伯虔招同濮青叟朱豫生傅苕生劉園觀荷卽事有感卽
次其韻

觀荷南郭漫嫌遲攜得青藤杖一枝車騎屏除聊習健語言
疏闊不宜時洛陽觴豆耆英會秋水芙蓉供奉詩酒力消時
人意倦敗蒲疏蓼惹愁思

哭內七首

銅壺水滴漏聲催環珮應從月下回可奈鰥魚終夜醒無由
得入夢中來

病因分榻心先痛淚到憑棺哭已遲二句青士太
守悼亡句此味辛酸

誰解得令人卻憶濮君詩

蟲吟四壁寂無人獨坐燈前與影親每憶卅餘年瑣事秋風
落葉總傷神

葭苓無藥起焦枯病榻纏綿一月餘到到肌膚猶不效傷心
未忍責兒愚

未能忍死待新婦少子猶留湘水潯屈指婚期先瞑目知卿
了卻一樁心

吾身眠食都無恙只覺無人伺煖寒卿在九京休見憶家居
聊作客中看

他生緣會雖難必百歲同歸一穴中此去泉臺原暫別相期

共聽古林鐘

墓在古林庵山南

李文忠師

鴻章

挽詞四首

一柱折西北天傾孰爲扶蠻酋弔君實江左念夷吾像繪麒麟閣
韜傳虎豹符減租曾拜疏謳頌徧三吳

年少持旄鉞登壇萬眾驚蒼頭軍特起紅襖賊皆平狐兔竄無迹
豚魚格以誠郭公單騎出回紇總懽迎

乾坤勞幹轉戰伐悔恩恩幸弭去年亂偏留未竟功敦槃西海冷
鎖鑰北門空秘器黃腸賜哀榮重飾終

盜舍論文日龍門許我游

惜陰精舍在蓋山麓公規復之首課蒙取第一

一身兼將

相三十四春秋勲業歸青史門生亦白頭豈徒哭寢慟殄瘁爲邦憂

入棲霞山寺

久抱尋幽願重來選佛場峰巒匹茅蔣鐘磬自齊梁世事觀
雲悟名心聽水涼眼前無障礙夷險兩相忘

春夜吟

素女離塵歸玉闕環珮餘聲聽乍歇海棠院落娟娟月花影
壓簾嬌欲絕一枝浥露紅不馨天然猩色玻璃屏老蟾西沈
光漸暝舉頭惟見匏瓜星

後湖春泛畧田自耘

其田

孫紹筠

啟椿

學打漁人槳波紋欲上襟風微生浪軟山翠隔煙深靜與鷗
情遠閒將魚樂尋開田變新法介甫亦何心

過朱家山新河感事

渡江過宣化遂至朱家山兩崖土若削一水流其間昔明有

王來創議開此道漲水洩全滁出江途不繞叵耐六合人慮
虧關市征萬計肆阻撓百年終無成桓桓恪靖侯秉鉞來江
左薛君申前說軍符急如火乃調臨淮卒鑿此水中磯除石
如除寇礮藥供指揮所當無不破空中雷電飛從茲平陸地
變爲川渺瀰蓄水有三橋舟行皆坦夷因思天下大興作必
有人焉相倚著是河開通湘陰功實賴桑根杼偉略一謀一
斷經濟同我曾親見兩鉅公

左文襄公
薛桑根師

今乃來此乘長風

豐山謁王文成公

守仁祠

陽明拜問卿滁陽乃莅止官閒集儒生講學自茲始我來謁
崇祠正值異教起格致究何從願一示宗旨

滁州西澗

爲憐幽草步行遲欲擬韋郎七字詩無雨潮聲來亦急澗邊

倚松羅多時

醉翁亭

醉翁不可見仰止在斯亭崖竹含生趣庭梅孕古馨泉分滁
水碧山自宋朝青朋黨論休續天猶醉未醒

琅邪山懷古

緬昔晉元帝半壁守江東僑郡置琅邪舊國人相從何以獲
此報肯堂厥考功太康未混一吳皓猶窮兇救此一方民大
舉環相攻充預渾濬外命仙出涂中臨江作遠勢板橋勳最
隆至今屯兵地山勢如蟠龍山後有蟠龍寺地亦名琅邪如漢有新
豐大啟偏安局廟食宜無窮奈何奉香火乃在天帝宮山有無量殿祀琅邪王土人謠爲玉皇爲民正祀典安得古秩宗

入琅邪山

琅邪古寺不知處空際時流鐘磬音蒼翠萬重遮日暗盤迴

一徑入雲深僧藏舍利塢猶在

山巔有智仙埋骨塢

洞有題名苔半侵

歸雲洞有北符卿治平四年題名

遠望寥天一縷白長江咫尺動歸心

丹夜

孤舟破夜行無風帆亦飽月與波交融金液鍊成寶雪爐反點紅燈光射林表茲景實奇絕收入紀行稿歸途成此詩以

殿滁遊草

端陽感舊晤伯虞

辛巳壬午之間每遇端陽必與劉恭甫何善伯集甘齋清談時君新納寵如君北人

善作夢飯君命製餅以供客今皆逝矣慨然二老思之泣然

茶熟香溫說餅天座無塵拂竈無煙我悲良友君悲妾如此

端陽絕可憐

贈桂陽彭菽齋

可園詩存

卷二十二

五

老我閉門養衰病翻勞車騎遠相尋聞聲已久初謀面論古

多通況達今悅道陳良原楚產

君善治經

工詩曰傳有秦吟

君有關中

詩一冊

於茲異學蜩蟬日莫改尊經衛道心

三哀詩

我所哀今中國衰紛紛滿目皆蠻夷大戰國勢可危矣小朝廷恥誰雪之蜃氣排空架樓閣兵權利權皆旁落避債臺高不可登鹿頭一星偕日升

我所哀今臣節替紛紛滿目皆朝貴來往牽絲槐偶場摩挲入手金銀氣自矜明哲能保身去歲曾爲扈蹕人歸趁清時且尋樂蛙坐井中燕巢幕

我所哀今異學鳴紛紛滿目皆儒生箕子明夷始作伯孫卿勸學空標名三綱淪矣發長歎洙泗一脈愁中斷安得河汾

王仲淹隱居教授潛龍潛

挽楊州劉張侯孝廉

師蒼

爲問天心何太酷芝蘭玉樹忍輕芟青藜家世劉中壘玉雪

嬌兒馬少監

力尊恭甫寓居文德橋時君年方五六歲也

久盼高文登策府那知

奇變起江帆欲歌楚些來相弔老淚潄潄滴滿衫

聞覽

俗務苦糾纏胸襟未能淨俯仰山水閒聊以適吾性白雲隨
風舒黃葉經霜病遭際皆偶然天亦難先定何物最清心鄰
庵一聲磬

謝翁鐵梅明府惠萬年藤杖歌

我今行年六十六翁侯贈以藤一枝此藤不自天台產山深
谷邃峰幽奇日月光景不到處風雷震盪雨露滋潛虬蟠結

發靈怪麟鬣怒張鬚倒垂南極老人顧之笑龍頭菌蠢吾所持
萬年嘉名聊肇錫赤城樵子皆能知天生神物不終秘琴
書之側供指麾蹶然足音與之應青鞵布鞵尤相宜自憐遊
山幾成癖邇來漸覺筋力衰幸得此杖扶我走如獰一足行
且馳仰登峻坂若平地眼前險阻皆坦夷任教髦童期日進
健步何異年少時翁侯翁侯貺我厚歲寒深契寄於斯松耶
柏耶無汝壽願同保此貞固姿

晚步

山水城西勝悠然曳杖行巢分羣鳥定月沒一星明老最宜
身健天難得晚晴高歌童冠和頗有舞雩情

哀江頭

龍江水窟龍鼉嘯月黑燈明商舶到江灘一落百丈深萬口

喧呼忽焉悄車馬人貨杳無蹤但聞江水聲淙淙金陵關前
不見土陰風慘淡天爲蒙高岸入水水壁立木椿鐵索皆無
功外滿中空勢必陷虛僑之氣將毋同轉憶今年夏五月開
濟兵輪火炸裂全船軍士無燼餘千里長江魚吮血祇此盈
盈水一灣曾幾何時又逢劫回祿馮夷互逞威同登鬼錄誰
能違故鬼定偕新鬼哭招魂不過續兒磯

金陵懷古效王介甫體三首

碧天明月雲中埋忽焉闖出如破篴高齋夜坐披史卷繼周
八代相推揆楚威燼金鎮王氣鍾阜千古高崔嵬方山開鑿
自嬴呂至今遙望青成堆漢德旣盡火井滅獅兒飛渡從西
來龍蟠虎踞名城建成都鄴郡何有哉太初宮殿成不毀厥
後鑿池名覆杯五馬之中一龍化號令猶得傳埏垓所惜清

談國日削經綸誰奮雲興雷典午衰微寄奴出殺祖空自相
擠排道成效尤誅粲秉乾象應圻星三台襄陽義兵接踵起
長圍一道無能開齊蹶梁興轉瞬耳霸先又復留守臺一世
之雄終安在滄桑只足供人吟長江天塹實可恃戰功莫但
誇肥淮

六朝宮闕蔓草埋誰練新軍同背鬼天兵下討輔公祏孝恭
自飲血一杯中間劉展一倡亂險過灩澦江心堆李錡不過
駭豎子蜃樓倏滅令人哀東海大魚吹水上假子變化龍乘
雷九華山人紆籌策築宮又復臨秦淮其奈五鬼由茲熾妖
讖居然符鳳臺徐家舍人實風雅夜夢墮落空中從一佛出
世不救苦道場枉向名山開勾當江南公事罷曹彬卽日登
鼎台百餘年後更南渡康王一旅何孱哉張趙作相扈蹕出

行宮鎖鑰聊安排留守鉅任擇人付重臣先後持節來玉麟
堂上養威望勁氣百折疑難迴一朝白雁渡江水望風自潰
歌聞垓銀林壩頭莫阨要竟隨秋壑蒙譏貶廢壘荒營勞想
像瘦馬倚樹爭磨挨唐宋往事吾能賦王氣銷沈無霸才

百年障塞紛煙埃清風一掃何快哉集慶行臺元重鎮福公
新自蒙古來羣賊眈眈競窺伺眞人仗劍興臨淮兵鋒所至
無堅壘孤忠節鉞空撞挨金陵大開禮賢館鼎肉亟饋無令
臺命將四出平僭國漢吳不值人一哈從茲定鼎倚鍾麓百
官分置閣與臺皇孫忽被燕子啄其時盛夏當恢台金川門
開九江子北平號令轟風雷未幾遷都去茲土陪京仙吏空
銜杯人才興廢關國運奚堪旣簸又復徙委鬼茄花厄正士
有誰文武猶兼該史公江左造王室不同衛卒分馬嵬四鎮

守淮勢莫下馬阮妄議胡不排春燈常留十錯誤詩成擲筆
園花開

論 國朝古文絕句二十首

雪苑羣推班馬才一朝文運竟能開請看壯悔堂中作都自
滄桑閱歷來

侯方域

漫羨燕臺七子詩論文尤貴黜浮辭華囂風氣由茲變正是
愚山講學時

施閏章

兄弟三人序雁行白眉共道勾庭良金精峰是桃源洞絕業

千秋重易堂

魏祥

魏禧

魏禮

年少英豪迴出羣歐曾常自辨香薰憂時著出籌南論不愧

龍川集裏文

計東

先正鴻文炳日星鈍翁實有舊像型解成三禮尤精邃根柢

由來在六經

汪琬

獨坐孤亭自揣摩古今學業悉蒐羅
滌除才氣歸純正朱子平生考據多

朱彝尊

旨遠辭文意自深於今猶見古人心
休嗟七十功名晚白髮飄蕭老翰林

姜宸英

何堪負累爲聲名待罪修書歲月更
撰述實從憂患得開山初祖說桐城

方苞

史案牽連慘弟兄天涯何苦賦過征
亭林弟子傳衣鉢游記多於馬上成

潘耒

江右誰承薪火傳古文自昔重臨川
穆堂突過前人處卻在皇皇原教篇

李紱

築園高踞小倉巔執耳文壇有夙緣
三昧能參正法眼旁人

可園詩存

卷二十二

錯認野狐禪

袁枚

六朝綺麗盡堪刪漫羨洪孫伯仲閒筆底雷霆走精銳異軍

特起大雲山

洪亮吉

孫星衍

惲敬

海峰薑塢夙追隨文采風流賴主持乞病請祠聲望重鍾山

講院大宗師

姚範

劉大櫟

姚鼐

誰是新城第一流九皋著述已千秋江西各自成門戶宗伯

名高太乙舟

魯什驥

陳用光

城濠水畔閉門居晚近文章復古初經濟不慚晁董策請看

厲俗萬言書

曾同

海秋霽海馳書牘民論無難繼葛君內亂外憂相倚伏衍成

痛哭賈生文

梅曾亮

許宗衡

蓮花幕裏效勤勞故國烽煙困所遭下馬未能書露布枉將

飛檄學枚臯

王錫振

峰高獨秀望依稀亂後斯文亦式微
臘有西湖千歲鶴招魂

萬里尙來歸

朱琦

道德勲名莫與儕知名草木遍江淮
立言不朽何從見集大

成歸求闕齋

曾國藩

儒生名早動公卿魯殿靈光見老成
不向人家討生活句奇

語重漢西京

汪士鐸

水仙花十韻

別具花中格珊珊步欲仙蓬萊通舊夢
湘浦證前緣波淺侵羅襪妝新整翠鈿
弄香風冉冉解珮月娟娟縞袂寒猶怯
冰心冷愈堅紅塵何自到碧海不教填
品稱湖祠薦音彈海國絃氣清浮竹外
春到在梅先白石清泉供輕冰小雪天
出門

微一笑俗念總超然

感憤二首

鬼方中國無分界舊黨新盟有忿爭四海騷然怨安石三網
絕矣歎逢萌逐聲逐影犬羣吠無食無栖鳳不鳴漫道讀書
儒者事秦皇以後又逢坑

貌爲操切實因循但恥人云我亦云宗旨總歸齊物論時髦
競作美新文毫芒利孔心能入兜侏夷言耳慣聞遠識有誰
如賈誼積薪厝火痛將焚

可園詩存卷二十三

江甯陳作霖伯雨

石城草

起光緒癸卯正月
迄甲辰十二月止

石頭城懷古

石城萬仞堅無缺城下春潮自鳴咽六朝往事過如煙
苔花猶拾沙中鐵巍峩形勢一何雄敦峻割據皆無功
可憐東市冤沈日僧辯何殊袁粲忠滔滔江水東流去
賢奸畢竟歸何處令人卻憶諸葛公千古江山誇虎踞

題城西寓齋

白鹿洞中客烏龍潭上廬家貧生計拙地僻故人疏
晴曳遊山杖宵繙插架書一同消眾異朱陸見胥除

謁鄭監門

俠祠

可園詩存

卷二十三

十一

青苗到處慘追呼
附驛陳書計亦愚
謫宦歸時惟有拂
流民
繪就已成圖
殿中痛哭同梁傅
澤畔行吟亦左徒
欲向祠堂薦蘋藻
北山雲氣半模糊

清涼山尋耿天臺

定向

崇正書院遺址

緬昔明中葉最重姚江學
天臺得其傳欲以覺後覺
督學巡南畿指授啟祕籥
英俊競來歸如水赴大壑
一十四郡人焦翊實首擢
卜地清涼麓書院於茲拓
錫名曰崇正異端那容託
江陵禁講學精舍遂寂寞

清興二百年石坊立猶卓
後經洪楊亂秋風吹敗蘅
庭宇無復存荆榛沒牆腳
華嚴庵與鄰彈指現樓閣
儒釋混爲一殿角搖鈴鐸
我來尋舊基高下時防錯
賴有姬傳記嵌壁若新鑿

桐城姚鼎崇正書院改建

江光一綫閣記尙在壁

勝地以人傳名儒期再作登閣

望江光夕陽紅不落

遊鍾山諸寺二首

路轉鍾山麓招提次第尋
奔泉霹靂響古洞紫霞深
禪理參曇誌遊蹤感向禽
廿年未到處松檜已成林

春意微生煖衣裘重欲拋
草根蘇野燒石骨露山坳
息力蒲團坐充腸香積肴
幸無塵俗狀北嶺漫騰嘲

莫愁湖樓拜徐武甯王

達

曾文正公

國藩

遺像作

言望勝棋樓倒影入湖鏡
上祀二偉人婦孺知名姓
中山當明初獨操征伐柄
功臣稱第一賜第奉朝請
湯沐得名區雲水光逾淨
我

朝曾太傅功業庶堪競
誓師下江南殄盡梟與獍
天地重清泰望超唐泌晟
百廢皆重興樓外荷花盛
明湖留去思瞻拜

同致敬開創與中興後先相輝映

過琴隱園遺址弔湯雨生都督

貽汾

將軍耽隱趣鼓琴聲清越築園城西偏不自矜門闕好客鄭
當時嘉賓通請謁觴詠壇坫開主人非倉卒刻燭競攤箋遲
設金谷罰一朝風鶴警娛徒來楚粵烽火徹宵明雅韻於茲
歇澄澄止水中遂溺忠臣骨低徊絕命吟誰爲築碑碣冷月
弔貞魂是謂詩之窟

園又名
詩之窟

尋小倉山隨園故址

簡齋罷官非老病急流勇退年猶盛買得名園近小倉疏花
瘦竹交相映竭力經營四十年別家亭榭無能競樓倚高山
閣枕湖隨意吟成廿四詠建祠合與老僧鄰寄葬毋拘首邱
正薜蘿作壁無多防軒冕出山何必更及時尋樂每隨緣辭

富居貧自安命著書強欲續齊諧選詩頗似操文柄六旬生
半後稱賢九十奉親家有慶洛陽司馬潁川歐草木皆爲人
愛敬奈何轉眼換滄桑望望峰坳幽且夔遙看獨岫號清涼
何處雙湖擬明聖祇餘曲水穿平疇居民耕釣猶相併輾轉
無聞車馬聲清寂最宜猿鳥性我來訪舊遶崖行吹客信信
村犬橫牽袂荒榛徑外纏礙鞢野荀泥中迸纍纍壞石似崩
山皎皎清流疑對鏡賢孫幸已繪新圖故老尙能談舊政流
連已久月光生展轉難留風力勁青溪宅廢與此同何須遠
弔江家令

掃葉樓懷龔半千

賢

明代社既屋金陵多遺叟達哉龔半千構園僅半畝背倚石
城山洞天眞小有松竹耐寒歲不種閒花柳廓園

龔翰爲其昆

與治顯夢爲其友嘯咏同閉門漢家臘共守有時作僧裝自
縛掃葉帶秋風日以淒清涼獨消受爲問今日樓遺址是焉
否卽此仰高蹤敬酌一杯酒

題薛廬梅花三首

永今堂外寒梅樹開落紛紛三十春照眼依然明似雪可堪
不見種花人

繁枝不翦影縱橫愛敬都緣草木生花若有知應記得春風
坐上詠詩聲

師門立雪諸年少花下曾經共舉樽爲問飄茵與落溷白頭
賸有幾人存

日本采風歌送華陽趙孔昭主事

潛

傳聞海上方壺山實爲日本之三島秦皇隔水相望處彷彿

見金銀宮闕琪花瑤草於今文治日昌明掃除封建邦新造
興學羣探禹穴書不羨安期所食如瓜之大棗禮義爲教竟
與華夏同因之輶軒萬里勤蒐討趙侯本是磊落人靈秀之
氣鍾峨岷讀書破萬卷肝膽尤輪囷禹貢九州行其八兩腳
踏徧中國塵東望瀛海一長嘯此豈弱水難通津徐福骨已
朽無處尋仙真桃花三百樹猶是秦時春手持玉節氣馭鸞
輪掠神戶過橫濱東京爲首善大坂多奇珍采其菁華歸輔
聖教何難立使風俗純嗚呼果能立使風俗純請歌皇華四
牡勞使臣

送龔銘三甥

肇新

游日本

送爾東瀛去恩恩作急裝玉瑩衛叔賢地縮費長房寄棘通
風氣扶桑涌日光羣言淆亂處聖教慎毋忘

遊方氏菴甘園廢址

玲瓏一堆石分白瞻園來

園在全福巷與藩署瞻園相近

其下藏幽洞竟爲

荆榛埋半泓水深碧魚躍浮萍閒繞逕高下行疊級爲梯階

雖無亭與臺風景猶清佳平泉留片玉王氏摧三槐故宅易

新主

園近爲江右黃氏所購

淒然傷我懷

盜山精舍作五首

盜山留講舍松桂鬱成叢驚馬棧猶戀猢猻王亦雄黨宜洛
蜀鑒譯併寄韞通學校翻新局都歸變法中

地僻無車馬終朝戶不關耳聾慙見客足健喜遊山避俗人
疑懶安貧境自閒置身應有所材與不材閒

紀時逢夏五閏歲暑猶輕苔綠紋如繡梅黃子乍成池塘厭
蛙鬧風雨感雞鳴時序來相迫炎涼傷我情

日長無箇事消遣法如何讀史論宜恕填詞律最苛心中機
巧少地下政人多佳境恩恩過尋思每易謫

滄海橫流久吾今且駐帆老年銷壯志參議署新銜時奉督

充學務處參似舅招無忌周聞仙鄭仲期二甥談玄挈阿咸蘭孫夙諳

運命旨一笑達空函三聯一作忠愛心休死謹譚口欲緘

送李薌緣方伯有榮卽次其留別韻四首

恭承

帝命曰欽哉江左藩侯奉詔回李令丹心明似日漢廷讒口
聚成雷且從清畫占三接莫爲危時賦七哀恃有孤忠能弭
謗巍巍幕府定重開

一年封內政皆平列郡從無犬吠驚庖代巖疆雙節貴鏡懸
官閣寸心明度支守法財無濫屬部聞風吏亦清可惜南中

民福薄輶車早晚去江城

從來學校重尊親集泮鳴音變化神
途判正邪行敢誤遊借童冠樂偏真
公如董子期明道我鑒揚雄作美新
坐撫臯比翻自媿難將教育企先民

悵望旌麾別意深行程計日惜如金
兒童騎竹他時約父老攀轅此際心
慰語併來天外譯輕裝不帶海南沈
驪歌聲裏攬夷樂西有株離北有禁

王貞孝女詩

郎未仕客錢塘款干戈爲國殤女未嫁居湖湘
誓守志稱未亡亂旣定歸建康辭父母事尊嫜
翁喪明求良方遭大故謹治喪定嗣子續書香
五十載苦備嘗妾此心足報郎郎布衣死封疆
妾并纓守閨房存沒異行同芳爲天地存綱常
女爲

誰其姓王顧乃德夫也良昭忠祠貞孝坊南與北屹相望兩
姓榮閭里光

掃葉樓讌集以疾未赴次韻薌緣方伯二首并柬陳伯嚴吏

部三立

仙枝分種鬱根蟠大厓詩才邁李端覽勝幾遊山寺遍下交
不作部民看棠陰遺愛留君頤芋火先機悟懶殘酒入離筵
不成醉攀轅無計別尤難

匪慕林宗匪慕蟠悠然偃臥白雲端忽傳永叔新詩到權當
枚乘七發看賓主西江才竝盛鶯花南國局將殘壺觴轉眼
皆陳迹樂府應歌來日難

陪方伯遊雞鳴寺次韻三首

秣陵多勝跡弔古屢登樓墩不爭安石湖頻訪莫愁新詩吟

可園詩存

卷五十五

歷歷吾道付悠悠舉目河山異聊爲汗漫游

鄒賢言距墨魯頌咏微舒別創疏渠策精研平準書政權奈
將解彌勒且同居共洒憂時淚傷懷豈獨余

超然脫塵俗老帶與莊襟風雨梁朝寺江湖魏關心三層甌
塢礎一角古城陰他日尋遺爪泥鴻感不禁

泛後湖

喚得瓜皮船搖入荷蕩去小港最紛歧舟人能識路茲游無
定向只揀花多處駭綠兼紛紅萬柄不知數香氣蕩漾中忽
與風相遇氤氲吹不散空際凝成霧白日斂無光一片輕陰
護天意作新涼睡熟閒鷗鷺此是蓮花域纖塵不容污非具
山水緣誰解耽淨趣臨流數漁家我願結鄰住暮鐘催人歸
再來途恐誤

重泛後湖

後湖別經旬又泛采蓮棹鷗鳥如識我飛飛作前導秋荷出水遲殘紅依舊開穿花行五里遂抵湖神廟招涼坐水榭竹樹四圍繞片雲挾雨飛不受驕陽照時有冉冉香隨風遠送到談久境逾清興酣酒屢醕東橋杜老遊赤壁蘇公嘯詩賦續舊題豈襲尋常調叩舷歌三終歸路頭頻掉湖山看不厭且訂明年約借佛作證盟拈花微笑

章希元刺史

邦直

招飲湖心寺感賦

蕉雨忽停響荷風如許香湖山自六代賓主各千觴氣覺迎秋爽情因閱世傷東南民力竭冊庫亦荒涼

相傳寺爲前明戴黃冊之所

城西

片雲帶雨過城西咫尺精廬望若迷幾日不來窗戶綠芭蕉

可園詩存

卷二十一

七

高與屋檐齊

繆筱珊年丈六十壽詩四百字

翰苑推前輩耆英歷四朝東林六世澤北斗七星杓昔避暨
陽亂曾浮邗水橈湘帆隨地轉蜀國寄居遙問字揚雲宅題
銘司馬橋胸襟無俗累師友盡材翹稽古情偏篤傳經語戒
器文能搜蠹蝕技不薄蟲雕辨體通蚪篆諧聲協鳳韶詩詞
兼涉獵金石竝晉樵壯歲遊京洛高科策董晁望因黃甲重
名向玉堂標日影花甌步香煙御案燒宦情如水淡歸思逐
雲飄帳飲都門盛書馳鄂渚招方隅憑考核圖志費摹描湖北
聘修席復移橫舍祠如領洞霄歷主南菁鍾君山新講幄鍾
省志早舊精寮奔驥蠅羣附登龍鯉競跳士方勤問辨政忽改科
條采藝言除莠虞庠舞格苗瀛震開世界學海起風潮孫子

工籌算商君計富饒蠶書辭詰屈象譯語啁噍此際衷誰折

先生道自昭聖經補格致夷島采歌謠情狎忘機鳥音懷集

泮鴉君辦編譯官書局赴日本采訪學務總理禮堂崇後鄭

鄉校頌孫僑多識一能貫斯文永不祧何期薪棧樸亦復采

芻蕘下走慚構昧窮居歎寂寥書空鄴侯架樹挂許由瓢青

眼俄垂及朱顏奈已凋桂宮尊父執君與先蔡閣廁賓僚代

校逮警大昕鼓猶揚同道鑣途長隨騷駟枝小息鷓鴣承乏

堂總教習聊獻南山頌欣逢朗月宵劉綱仙並得鄧禹子皆超門

啟吟朋集筵陳酒侶邀師儒多上壽相與祝松喬

高郵洪幼琴刺史繁新修文游臺於九日落成招游未赴遙

寄長歌卽以代柬

文游之臺高百尺云是宋賢留勝蹟歷年已久不復修荆棘

塞途瓦礫積容齋華胃本循良經濟文章竝擅場綰綬秦郵
政多暇呼來匠作試評量因高爲阜卑爲壑閒庭點綴添花
藥喬柯求友喜遷鶯清俸餘糧謀養鶴詞客風流入百年參
差亭榭夕陽邊落成適值登高節白酒黃花敞綺筵憑闌一
望景盡出三十六湖水碧天抹微雲畫不成填詞儻有狂
秦七刺史殷勤貽我書問我興致今何如春來夙約應能踐
預期拍手相歡呼招邀況復偕二叟秦伯虞朱豫生好我居然忘老
醜欲將雅集繼蘭亭其奈陪遊怪峴首祇因橫舍興弦歌生
徒歲月愁蹉跎維摩示疾嵇康懶命駕俱難千里過余以學堂甫經
開講伯虞小病豫生倦遊俱難赴約秋風秋雨江南路目斷淮東古雲樹不作
盧敖汗漫游且吟元亮停雲句屈指重陽止一旬金樽遙想
醉生春賦詩聊續蘇門派上覆湖山管領人

關外

關外謹譁戍卒叫羽書萬里爭馳報北風甚勁楚無功東道
不通秦絕好瘠牛敢詡力價豚駁馬或能威服豹有誰射落
旄頭星不與太陽光竝照

嶺表

嶺表地形險且狹咫尺交南勢相壓招降奈遇魚吞鉤守隘
須防虎出柙雖發孫平積粟倉未擣韓雍斷藤峽前車不遠
後車懲莫令再墮紅羊劫

滬上

滬上紛紛識時彥自以文明相震眩流血采從周僞書革故
附於易大傳波濤迭起更生風雨雪未來先集霰綱常淪陷
流弊多是謂學中一大變

靜觀

閒來曳杖覺逍遙極日寒空萬象超月裏山河攝明鏡霧中樓閣羃輕綃古牆不雨苔仍潤高樹無風葉亂飄物理靜觀欣有得學仙學佛總無聊

歐洲義士行

黑風吹海掀波起文武沈酣醉夢裏何處槍雷轟一聲江陰屯營義士死義士朱秦仕實爲歐洲人產自來因河畔北海濱中國延之練礮軍受中國職食中國祿於今九年

天恩優渥側聞遼東轡已深歐洲列國將生心揚子江口最衝要恐有敵艦來相侵我欲力戰耶是與父母邦爲讐我欲告歸耶又與棄甲輩同羞況復強弱勢不敵教無成效誰之尤再四踟躕一朝計定設醴開筵眾賓競進中供寶星敬

大君之命既行中國拜跪僂手握銅管機請眾爲作證四座
愕眙不知所爲火舉機發骨燼肉灰較彼華爾之烈戈登之
勇用意尤屬微乎微愚忠不可及聞者皆歔歔我思中國民
其數四百兆食毛踐土不知恩桂澤眾興何擾擾請看歐洲
義士產自來因河畔北海濱受中國職食中國祿卽爲中國
臣以死殉官捐其身愧矣哉中國民四百兆中有幾人

後湖看鰲魚歌

後湖湖水清見底遊魚往來明鏡裏織竹爲籠上下通投向
中流浪花起漁人袒臂不知寒倚舷側臥淘泥滓大魚小魚
皆拾取俄頃之間十餘尾是日天晴風氣和眾船齊出紛如
螳一經一緯疾如梭鬪捷爭先頗自喜繪出烝然鰲鰲詩古
人體物工如此我時感觸殊眾科世界偏仄水一渦名士比

鯽何其多駢頭相聚興風波跋扈幸免能幾何一網打盡爾則那

謁卞忠貞公墓

典午清談成弊俗惟公幹練修器局江左委靡隨風塵惟公慷慨不惜身公之亮節昭千古臣殉君今子殉父青溪渡口飛碧潏血染荒郊草不春一坏近在治山麓我來展拜心神肅精忠耿耿誰與侔南郭高臺祀孝侯

周將軍處

香林寺大藤椅歌

香林古寺有藤椅天然結構何玲瓏蹲踞伏地穩如象天矯行天蟠若龍兩旁槎枒中廓落十圍腰腹應能容聞是前明禁中物捨歸梵剎垂無窮臣民睥睨不敢坐玉皇捧處雲生紅護持頗得法王力厚載門側僧撞鐘兵火之厄竟能避禪

麻四大空非空金剛有身同不壞我來欲設香花供

癸卯除夕感述眎濮青叟

世變今方急恩恩歲又終人憂兵事始

時日俄戰於黃海

年盡雨聲

中幸際龍乘運愁聞鶴唳風命宮纏五鬼誰爲送奇窮

六十七齡客於今尙賣文友朋同輩少骨肉異鄉分老態鏡
中見衰顏酒後醺喜無宿逋累詩債且償君

新晴

陰霾三十日忽地露晴光苔積牆根厚花薰日氣香玩占通
易理禦溼檢醫方卻笑新來燕尋巢底許忙

題文衡山

徵明

畫二首

不見樹青蒼太古此山色雲與水無分茫茫一片白
市買作僞多無意得此本如坐巖石閒靜觀心自遠

可園詩存

卷二十三

七

烏龍潭夜望有懷

雨過沙堤軟龍潭繞一遭風來生水皺雲退讓山高聒耳憎
蛙黷分飛感燕勞天涯同此月吟望幾人豪

寄贈俞蔭甫學士

樵

臨川廷尉

李小湖
大理

桑根叟

薛慰農
觀察

君與吾師伯仲間海內經

神鄭高密貞元朝士白香山潛身賣藥名難隱袖手觀棋老
更閒強欲相從問奇字索居無奈鬢毛斑

感憤三首

東方蚩旗長竟天北海碣石夷爲陸馮亭坐困歸無從桀宋
恃強亡必速鵲蚌兩持誰得利觸蠻一角關全局似聞

龍興初入關萬國羣尊

天可汗

承平日久法漸敝銳進少年多喜事趙括談兵泥古書孔臧
權稅工心計翹關拔距嬉羣兒搜粟摸金忙大吏不知元氣
傷實多

國脈民生其奈何

上天將欲喪斯文小子誰甘守舊學素王改制書特書天民
任重覺後覺說巧無非幻鼠肝胝成未必如麟角惟餘東海
鄭康成空山風雨獨傳經

寄懷馮夢華廉訪

煦次韻二首

西蜀經綸業雲雷用赫然身名隨道泰局勢逐年遷京邑臺
登債遼陽幕列甌濟時羣屬望載咏价潛篇

衰老嗟何用薪傳火尚然

桑根師主講之惜陰書院
今改縣學堂予忝爲總教

填習藝

賀柳讀史愛談遷槐舍增新蔭桑根襲舊甌室廬無恙在蘆

阪感詩篇

予所居樓下卽君肄業舊齋

休洗紅二首

休洗紅洗多紅漸少穿紅能幾時
少年人已老老人何渠遜
少年夕陽銜山紅滿天

休洗紅洗多紅不見未忍拋棄之
閨門舊鍼綫於今世事日
翻新迂哉守舊此何人

小隱

小隱空山寂閒門斷客蹤繁霜頻念亂
多雨未傷農夜久籟俱靜
年衰夢亦慵漫矜穴蟲智我也蟄於冬

十月初十日

皇太后萬壽聖節端尙書

方

公讌中外臣僚於北極山下之

師範學堂恭賦應教

兩宮聖德恢無外建業山川瑞色開鳳展翼成花世界以菊
成舞鳳形蜃噓氣幻海樓臺屋皆洋式閣依北極圖王會以西法日麗
西池獻壽杯草莽小臣叨預讌詩成愧乏建安才

侯烈婦詩

夫斂畢柩在堂妾誓死歸空房
禧禧出出鳥忽叫眼前一片
紅霞光此柩妾身移不動束手無計情徬徨哭拜鄉鄰齊助
力眾聲邪許何倉皇夫柩出火妾入火火中結就青蓮朵自
有前言敢負夫居然始願能償我燒不成灰一寸心切利情
天同證果夫爲誰侯際昌上元文生居黑廊閭氏之女殉夫
死宋伯姬氏名齊芳

鄭烈婦詩

夫病已屬纊皋復聲恩恩妾恐死或後偷嘗阿芙蓉視含事

甫畢斂衽語從容自從結褵來十載常固窮夫出謀甘旨羞
澀囊錢空頃由浙西歸病魔復交攻刲臂和湯藥祈禱皆無
功不能代之死死時誓相從所恨乖孝念事姑未克終旁人
休擾我志決救毋庸泉臺路已近生同死亦同一瞑不復視
閭里欽女崇文生鄭師獬妻李節最崇采風定有人書名達
九重

可園詩存卷二十三

男詒紱孫祖同校字

可園詩存卷二十四

江甯陳作霖伯雨

鉢山草

盡乙巳
一年

劉蔥石觀察

世珩

以聚學軒叢書見贈賦謝

聚學軒中存秘籍居然加惠到鯁生錫朋殊寵分君富炳燭
餘光照我明甲乙丙丁叢四部雨風雪月讀三更老來雙眼
猶多福校本休誇足利精

讀青士伯虞唱和詩感賦卽次其韻

轉眼滄桑卽古今吟成變徵亦新音頽波那有能迴力枯草

常留不死心元氏野亭空著史

詩葉金陵
通傳新成

漢家學校竟如林

城中設四
十蒙學堂

頗思披髮入山去其奈桃源洞不深

深柳堂小酌酬顧石公

可園詩存

卷二十四

春風忽然來吹綠龍潭柳草堂集羣賢清景同消受莫恨是
別筵驪駒歌在口餘寒尙未消且醉主人酒

石公將赴常州

鳳生弟賦詩見懷次韻答之

江頭一別八年久烏兔何知速與遲忝以須眉充老輩競從
學校舉經師綠尋春草生池夢紅愛殘陽放霽時擬把門庭
重整理築堂仍自榜於斯

予家有於斯堂

尙書爾雅遺編在南嶽由來數霍衡我欲遊山酬夙願兼之
見弟話深情天門躡履穿雲腹邸舍聯牀聽雨聲吳楚計程
千里近到時應可及清明

題張次珊通參

仲斯

詞集三首

吾謀不用去何之楚客傷心放逐時忠愛纏綿無處託吟成
香草美人詞

江左山川六帝都吳歆唱罷興何如武昌魚好雖堪憶飲水
權安建業居

老來綺語待君刪自媿填詞律未嫻宗派欲尋正法眼瓣香
白石玉田閒

春盡

陽春已將盡氣候如殘冬沙飛狂風疾日出陰雲蒙韶光九
十日都付冷雨中苔溼滋頑翠花僵褪深紅麥蠶皆傷耗何
以慰三農似聞閩粵間海上來艤艫池魚殃將及角蠻爭何
雄天象現肅殺仰視憂心忡

江口別濮青叟

我向楚南君向魯故鄉月色異鄉分料君見月應思我悵我
還鄉不見君

可園詩存

卷二十四

二

江行口占

朝辭魯港暮潯關千里經行只等閒
眼底恩恩判吳楚臨江寺埭院公山

小姑山

南岸山坡陀延縣勢不斷中央聳拳石高欲凌霄漢鎖鑰上下流劈分江一半險隘本天成有時面目換時清戰伐間樓臺還舊觀誰念彭郎功漁火空淩亂

雪琴尚書有彭郎奪得小姑回之句

赤壁

赤壁名傳千載前我來弔古千載後大江日夜流滔滔西控武昌東夏口橫槊高吟亦霸才功名轉眼皆烏有何如兩賦留大蘇足與山川同不朽

夜泊漢口

逆水二千里輕帆三日程
倏臨漢日鎮近接武昌城
噴霧車塵合繁星戍火明
市喧休溷我高枕聽江聲

登岳陽樓咏鳳生弟

百尺樓高聳翠蠶眼前雲夢莽縱橫
江山萬里開詩境風月三更聞笛聲
飛錄未能招鶴到坐觀徒有羨魚情
知君與眾同憂樂作宦何慚滕子京

五月初旬省弟長沙苦雨排悶

愁霖三日無由止出沒蛟龍幾釀災
端午節過騷客怨長沙地溼賈生哀
望衡不作開雲想聯榻原因聽雨來
儻使勝遊從此阻江山何以助詩才

過賈生故宅

漢家自有法詎肯妄紛更
年少殊多事南遷不計程
室空妖

鵬入井古飢龍鳴

宅有古井

忠愛心安託荃蘭弔屈平

定王臺

漢景子姓繁開藩牂茅土中山每憂讒河間偏好古惟王孝
念深蓼莪詩義補墨域踵番君世界開光武至今高臺上風
雲氣尙吐帝子期不來朝夕鳥反哺

岳麓山

決背入空闊帆檣出沒閒一江吞夢澤三教共名山

下有岳麓書院

中有萬壽寺上有雲麓宮

未覺遊蹤倦居然絕頂還南衡窺一角禹碣點

苔斑

峭巖碑在西峰

天心閣感興

長沙地卑溽暑蒸城南有閣高三層天風吹我衣袂舉如御
虛氣凌空升梯隨地轉曲復曲能爲游人養足力憑闌俯視

鳥背毛捫參歷斗高無極閭閻撲地舸艦橫圖畫居然一幅
成帆壓湘江知雨重樹迷岳麓看雲生堵堞森環樓櫓具此
地由來重守禦至今人說江家軍血肉橫飛苦戰處當年遺
跡怕重尋折戟沈沙宿草深江忠烈公於此堵賊夷船往來塵市改卻
從何處測天心

別鳳生弟

阿弟送我行執手情惻惻家無二頃田欲歸歸不得且訂三
年期宦囊稍有積買山隱巢由聯牀吟軼轍鍾山無恙青淮
水依然碧月下泛扁舟雲中躡雙屐儻當遊覽時披圖話嘯

昔

有天心閣遊讌圖

應憶熊湘閒留此泥爪迹

泊洞庭湖

何處湘靈瑟數峰青渺然洞庭一片月化作滿湖煙

望廬山

快帆如馬轉江灣，疊嶂層巒未可攀。
晨旭光中雲盡斂，居然眞面識廬山。

歸舟寄周子木

樹昌

吳楚三千里歸來，一葉舟欲從天際識。
且上最高樓

解嚴

猛風吹海沸，宵火共師燐。
虎竟踏機縛，魚難漏網噲。
圖中疑地縮，局外許棋拈。
自是蒼生福，南洋已解嚴。

述懷酬漢青叟卽次其韻

我生六十有九春，日月迅轉如車輪。
昇平人物凋喪盡，獨留不壞金剛身。
今年飛棹渡湘水，天涯雖遠猶比鄰。
聯牀聽雨長沙邸，白頭兄弟重相親。
夜深煮茗療我渴，砂壺製自時大

彬君山芽茶洞庭水宦味不改書生貧時事艱虞難措手徑
欲歸隱尋二倫鍾山晴翠紛滿眼六朝往蹟多湮淪擬築堂
館安書劍縱橫布算量由旬松林梅塢新結構入門一笑眉
頭伸定期五載踐斯約息壤在彼盟之神爾時諸叟定健在
驕麟騎鹿來羣真濟南一老儻避世尋源莫誤桃花津春秋
佳日延勝賞清風爲友月爲賓何必鄉飲崇古禮五齊四簋
兼入珍吾弟或援涑水例會中亦列華髮人各談生平經歷
處南衡東岱俱浮塵名山遊倦且歸臥紛紛夢境成鹿薪豈
徒夢境成鹿薪大千世界爭翻新道咸以上昇平人物難重
陳

桂厚之太守

殿華

母夫人七十壽詩二十八韻

孝治光天下

垂簾

母后慈達官能錫類聖善不訾儀秋浦鍾靈厚冬筠勵節奇
青箱承舊澤黃口撫孤兒自信家能保休令柄倒持祿先許
武讓痛忍伯俞咎雞唱晨興候烏啼夜課時授經分句讀習
業戒荒嬉先入堪爲主羣居必擇師世交尊父執人海得英
耆孝穆文千卷容齋筆一枝途防楊子誤居逐孟家移垂教
無過爾成名果在斯鹿鳴萃野食馬健杏林馳京邸常多暇
諸曹各有司北堂懷母氏南土隔天涯欲作依親計唯於乞
外宜試崇黃霸秩且納長卿貲白下趨都會黃巾脫險危鶴
帆欣候至鶴髮未曾衰膳每循陔潔班仍聽鼓隨鎖闥知試
事泉布守成規凡此官方肅都遵懿訓爲起居榮入座
誥敕奉雙芝共說觀濤月偏逢設帙期萱花迎日永桂馥逐

風吹東閣催開宴南山競獻詩夙蒙賓禮者介壽綴新詞
雞鳴寺新建豁蒙樓登眺有作

茲樓豁羣蒙憑闌意有會翦淨蓁穢叢露出蓮花界短堞限
波流疏鐘落雲外登天無翰音俯巢見鳥背閣尙說憑虛寺
已非同泰終古此鍾山悠然靜相對

寄酬湘南張佑衡

衰年偶踏楚南塵滿目河山氣象新嘉道以前空絕學沅湘
從古聚騷人贈詩情厚才無敵覲面緣慳交以神濁世相期
不改度雞鳴風雨感蕭晨

重修王忠盡公墓記題辭爲常州許太守

星璧

作

公諱安節

度使王堅之子也元伯顏圍常州死守不降城陷殉節卽
葬郭外明正統中其五世孫伯俱移家守墓歲久荒圯金
粟香司馬乞許

太守重修之

白鴈南飛天地秋，角聲吹徹海雲愁。
城頭不見降幡出，肖子何慚王合州。

賢孫異代奉嘗烝，片石常留姓字馨。
秋草夕陽人弔古，可憐無樹表冬青。

栗香居士有心人，鄉里頻頻述舊聞。
宋代睢陽在常郡，常州今睢

陽文文山句也劉將軍後又傳君，劉師勇亦守常郡而殉節崖山者栗香任赤水時表其墓

毘陵太守宣風化，馬鬣崇封護視勤。
絕似離門園築就，植花酌酒卜公墳。

重陽無菊對洋花，有感

陶家三徑寂無塵，那有重陽送酒人。
彼美偏多遲暮恨，任他異種別爭春。

微張景陽雜詩十首用元韻

秋雨漲前谿水色清不濁雲散月復明耀如炳華燭憶自良
人行終年守幽獨榮悴倏一周歲月驗草木落葉聲蕭蕭枯
黃不再綠兩鬢若飛蓬無緣望金屋永夜弄鳴機惆悵烏棲
曲

炎暑氣溽蒸平原生覓陸斗杓忽指西秋聲在深竹疏味勝
肥甘老圃餘杞菊日落山川涼風清天地肅桃李陰亦疏何
處尋殘馥春華雖不存歷歷景在目古人惜寸陰大禹之所
勸

春杵遇沙穆彈琴逢鍾期訂交幾何時秋霜生鬢絲努力相
勸勉樹德求其滋揮手一爲別千里長相思苔蘚蔽庭砌無
從覓履綦素志輕功名種善有鎡基兩心久相印守分以待
時

滄海化爲田高陵變作谷反覆霎時間何處堪投足流光石
中火寄生霜後木委形覆載中難免自縛束俯仰不能容徒
令歌刺促剝復遞循環易理吾能卜

風俗不相通譬若燕與越或則尙雕題或則重被髮假使兩
相違誓盟亦空設朔馬徒嘶風吳牛方喘月所學非所需苦
心誰剖別少年不合時或者貴晚節君子秉虛懷眾惡有必
察

昔我游荆楚山高水復深漢江流萬里鄂城聳百尋蒺藜刺
在地豫章木成林下有蛟龍伏上有猿猱吟筮得入坎卦自
懷垂堂心將伯誰相助異苔感同岑兩意易齟齬對面生崎
嶇夷險在一己此理悟自今

古人重守邊萬里築長城今爲戎虜居徧樹旗與旌鼓角一

時動傳爲軍中聲元戎秉鉞出朔漠事長征平安設烽火一
堠閒一亭終童年雖少慷慨請長纓夙習黃石略舊諳陰符
經折衝在壇坫胸羅武庫兵事定報天子冊命臨軒楹自非
張子房浪得借箸名

從軍赴西北跋涉關塞閒遙天如幘幕低壓大地圓此時征
人心日夜思家園暗水常在澗歸雲不離山自悔作計誤策
馬度幽燕丈夫志千里此語豈其然

屏棄塵世事卜宅西城陰自甘處無用入山恐不深晨興啟
蓬戶翹首望蒼岑雲積有雨意往往鬱爲霖鳴鳩呼相逐寒
蟬噤不吟雖當蕭瑟日灌木猶森森浩歌若有得常留金石
音耦耕以避亂久契沮溺心隱居觀時變與物共浮沈不彫
貞素節自有松柏林

霧氣塞四字月輝暗空庭溼陰布重幕遠峰迷曲屏風颼蕩
混濁海水倒滄溟依藻魚三尺遊荷龜千齡一雨積不止山
上雲猶生田廬變澤國天地何無情桂爛歇芬馥菊枯賸
莖牛馬不辨徑雞犬皆無聲慨此窮居士裋褐不掩形束身
自如璧永好誰投瓊久絕塵俗累獨守幽人貞安貧有定分
篤志遺令名
萋萋辭聘幣願學魯兩生

效陶靖節咏貧士七首用元韻

春氣感萬物楊柳先依依枝葉未極茂時時漏夕暉黃鳥初
出谷羽短何能飛結巢在卑條暫去旋復歸高天下黃鵠飲
池亦長飢守分不免貧吾爲志士悲

當世齷齪子出行擁高軒朝開金張第暮奪沁水園飛樓與
曲榭鬱鬱生紫煙高明鬼瞰室此理誰能研遐哉窮巷士獨

嗟古人言夙夜勵勤苦努力追聖賢

舜昔受堯禪南風薰鳴琴九成樂迭奏創此簫韶音舉世方
熙熙彈冠相招尋許由長太息此際宜酌斟洗耳清冷水徒
爲萬乘欽牽牛去不飲誰知巢父心

豐鎬啟文運星象明奎婁夷齊恥食粟兄弟自唱酬首陽守
片石誓死不仕周采薇感黃農長歌以寫憂東海就養輩末
路非吾儔古賢有定贊得仁又何求

秦有東陵侯咸陽祿曾干滄桑一朝易不復受漢官小隱青
門外梁肉非所餐種瓜獨甘美暑月能生寒四老伊何人采
芝在商顏一陪漢太子浩然東出關

梅福隱吳市翩然歸瀛蓬嚴光匿大澤物色畫圖工彼哉蘭
膏耀天年竟天龔士苟生不辰尙友將誰同入山求其深處

世戒其通枕流漱白石舍之將誰從

孔明臥南陽不見劉荊州長吟自抱膝欲與管樂儔偃仰一
草廬清泉繞門流身雖無半畝常爲天下憂高謫梁父曲絕
調無能酬儻非左將軍相見禮誰修

浯溪碑歌

浯溪溪水碧渺瀰摩崖乃有唐代碑魯公之書漫叟頌二賢
手澤留屋屨屢當時上皇狩西蜀兩京戎馬縱橫馳肅宗靈武
定禍亂掃清氛霧揮天旗國家再造遺孽殄日月普照無偏
私小臣撰語刻山石聖神文武侈陳辭風摧雨剝痕不滅萬
古炳耀天南陲我遊湘歸得拓本字如斗大筆如錐文以右
行變常格贊揚功業何巍巍可憐內侍高驃騎流涕長吟齊
菜詩

登冶城謝公墩

天塹限南北大江日夜奔建康開帝宅萬里塵不昏金牛承
石馬宗緒有本原國柄付相臣風雲手覆翻當其未遇時羈
旅入國門冶城一登眺四顧煙雲屯悠悠經世志羞與俗士
論超然意高遠談笑清心魂良規進我友箴砭道自存至今
千餘載猶復留斯墩城市曠不接杳無車馬喧潺湲流水聲
欲辨忘所言野花落曲澗老樹蟠孤根南挹木末翠東迓扶
桑嗽我欲構精舍荆榛芟蕪繁永與人世絕名爲獨樂園漁
人儻誤入問津疑仙源

十一月十五夕盍山精舍會飲感賦

盍山地僻遠塵凡徑爲迎賓草盡芟近水月光籠溼霧隔年
酒迹澹青衫新亭極望淚誰灑復社危言口欲緘醉後不知

風色冷且探梅信過東巖

司馬晴江丁禮民辱賜和章再次前韻以報

垂老依然興不凡滿頭白髮那須芟柴車幸枉高人駕逢掖
常留博士衫香惹梅花詩引夢綠浮竹葉酒開緘參橫斗轉
不歸去坐聽鐘聲出翠巖

山中三疊前韻

入山境便判仙凡無限愁懷似草芟強欲爲農荷長鍾偶然
學佛著偏衫不通海外言重譯嬾答長安書一緘矯首試從
天末望翠微亭畔石巖巖

寄懷青叟山東

每思鶴髮童顏叟同此憂時涕淚傾蒼狗白衣雲變幻濁河
清濟水分明苦無隴畝耕諸葛獨抱經書老伏生賸有晉山

圖畫在琴尊寂寞不勝情

咏史二首

處士橫議興寶兆坑儒禍暴秦焚詩書聖道於焉墮斯文一
綫傳誰歟能擔荷伏生守遺經剝餘有碩果

人道寄倫常夙與天地竝新莽盡棄之遂以移龜鼎哀哉三
綱絕人禽無異等逢萌掉臂行去去煙波迴

可園詩存卷二十四

男詒綬孫祖同校字